

仙谿黃大宗祠公簿

抄本

仙谿黃大宗祠敬承堂公簿目錄 附譜序

仙谿黃氏祠堂原序

重修仙邑敬承堂公簿記

恭校 學敏師重梓仙邑敬承堂公簿小言

錄旧規並修訂新規

辦祭收支預算表

旧存房置产业並新置坐落租佃各紀

現存各戶租佃提綱

現時各旧佃加租表

逐年應完糧米並貼米大租概數

祭文式

楹聯句

祭器彙記

贊礼仪注

折胙總目并大餅總目附

輯旧報功分胙芳名

各房各多地名並牌位分胙題名

旧牌缘金未交紀名

各房值年首事表

俊食規則

祭器

跋文

附譜序目錄

譜序

黃氏族譜溯源首篇

黃氏族譜溯源(一)

黃氏族譜溯源(二)

黃氏族譜溯源上世中世考

黃氏世次圖序

黃氏有三總述

黃氏世德言行錄序

莆陽黃氏譜序

仙游東廂黃氏譜序

仙谿黃氏祠堂原序

黃氏之先本吾豫固始人也。晉建武初南渡。元方公始徙于閩之烏石山。為晉安守。著聲循卓。御書仁廉忠惠。旌之。厥後積累貽休。代有偉人。至封君。冲公隱居于郡東之榴花洞。高尚承志。吟咏著述不輟。世傳有黃氏万卷書樓云。長者守恭公多逸行。因宅后枯桑。猝化為蓮。遂効靈運捨宅為寺。皆超超不世羈者也。洎唐玄宗朝。岸公初舉進士。為閩科首。語云。歐陽獨步。蘊藻橫行。公殆相頡頏者。出仕為桂州牧。陳八要道。

于上。上納之。晉金紫光祿大夫。賜金魚。封開國公。謚忠義。平生勤敏。慤誠。雅爲孝行。嘗疏乞歸養。廬墓三年。林藻爲公作行述。甚評。因愛興化山水。始遷延壽里。傳至六世。棣萼尤盛。夙雅樹幟。則有御史。滔公。辭學登朝。則有校書。璞公。蟾公。尚書。潛公。却王。審知之。僞聘。司徒。碣公。拒董昌之逆謀。大矣。良菴公。推月旦于鄉評。叨榮光于錫命。皆名垂史策。后先煥耀者。嗣宗支益蕃。分處九郡。而在興泉尤多。自唐以迄于明。其間或忠烈。節義。懿久高隱。擢科膺荐。显于宦。祀于鄉者。指不

胜屈炳炳麟麟。閩之推閼閼右族。信然也。丁未岁。余视学来閩。輶轩採俗。稔知黄氏子孙。通籍金国者多人。而与余同谱。並及门者亦众。夫惟先世积德。以佑启之者厚。斯后人纘绪而弘宣之者固。其源深泽远。俾炽而昌。永永无斁也。适值仙邑肇建祠宇。求余一言。戴记云。显扬先祖。所以崇孝也。仁足以与之。明足以见之。则其绍述之隆。已可概见。吾政乐观其成也。是为序。

雍正十二年岁次甲寅八月上澣

赐进士及第翰林院编修癸卯科

欽点四川副主考申辰科顺天同考官充

日讲起居注

特授福建提督学政翰林院侍讲侍读学士詹事府少詹事浙
江布政司布政使

欽命安徽巡抚都察院总督浙江等处军务兼理粮餉管理巡
抚抚政事务兵部右侍郎右副都御史加二级纪录十次上
蔡程元章撰並书

重訂仙邑敬承堂公簿記

城中有祠焉。枕雙蜚。拱九駿。山抱水環。望之直幽邃。若螭虬之蟠于其际者。我先祖妥靈之所也。兵燹后。旁風斜雨。屋宇傾頽。以工程浩大。倡修者旋議旋輟。光緒六年秋。復值雷屯。轰烈。瓦解。棟崩。有岌岌難支之勢。而尊祖敬宗之地。几成為黍離草鞠之場。恩目击心傷。爰邀族中紳耆。僉議勸募牌金。得鏹二千余串。仍其旧貫。重修而興筑之。或董理。或督造。或掌會計。七閏月而工竣。用熙錢壹千緡有奇。留其余貲。拓置產業。以贍祭費。迄今三十余稔矣。諸同志相繼升遐。而余以碩果仅存。不勝今昔之感。每思公簿蠹蝕。未經重訂。倘輪流遺失。公祀祀典。考

証无从。且代远年湮。后世子孙。若遇有不肖之徒。祭产被其侵渔。祀事必至废缺。靡不有初。鲜克有终。先灵倏而吾辈何所逃罪哉。恩叨先祖鸿庇。掌教石淦。本秋告假回籍。重修公簿。並附契簿。付之刷工。印订数百卷。分送各房收藏。俾后之按籍而稽者。得瞭如指掌。自无疎失之虞。若夫拓充润色。在有力者。展孝思之念。存继述之心。筹款增置。使禴祀蒸嘗。与天地同悠久。于吾宗有厚望焉。

清宣统三年岁纪重光大渊猷桂秋谷旦

勅授征仕郎署德化县学训导兼教谕八十叟裔孙湛恩谨识

男岁贡生学敏敬书

恭校 学敏师通儒重梓仙邑 敬承堂公簿小言

报本之礼。原于先王。建祠庙以安先魄。修俎豆以寄孝思。致敬祖先。即所以垂训来者。吾黄姓在仙。或自省来。或由莆至。或由泉迁。要皆导源于江夏。于是本亲亲之谊。建大宗祠庙于县城。祀晋晋安郡守元方公。晋郡长者守恭公。唐桂州刺史开国公岸公。监察御史滔公。其下按牌立主。置产岁时致祭。颜曰敬承堂。示尊祖睦宗之意深矣。顾祠建于前清雍正间。至光绪初叶。风雨飘摇。渐见倾颓。稀嘗不修。产亦散失。起而重整之者。则为吾师通儒先生二门之功。师为龙浚公裔嗣。龙浚公即湛恩公龙浚公外积其学。内修其行。在龙浚。即德化县掌教数年。化民成俗。尽返浑朴。老归衡

門。見大宗祠廟之圯廢。慨然以重葺爲己任。募賢興修。畢然重新。既又以余緡漆置
 祠產。併旧者一一爲之清釐。釐發公簿付梓以垂久遠。未及發送。遽歸道山。吾師
 遠紹祖德。近承家學。于報本之道。三致意焉。遭時喪亂。祠產多亡。乃按籍勾稽。躬爲
 整理。地被侵者使之返。租過輕者勸之益。由是家盛有賴。俎豆无亏。爲產有變更。再
 將公簿釐正。改訂新規。刊印三百部。分諸宗人。以竟 龍潭公遺志。繼自今以往。苟
 非陵谷有變。虽百代可以不廢。蒙元恭校全帙。叹吾 師門兩世用心之苦。而知立
 人之道。報本要其首義也。

中華民國二十二年癸酉仲夏前北京司法部僉事 歷任仙游

晉江莆田縣長受止 蒙元 謹誌

僉议新规民国十九年改订先录旧规

本祠 重建后。先君子所订旧规二十二条。苦心筹画。保全产业。斟酌尽善。今迨五十稔矣。然法积久而必弊。当随时损益于其间。且沧桑兵燹以来。国家政体之鼎革。社会情态之变更。服式礼仪之殊异。产息物价之悬殊。设非因时变通。不无窒碍难行之处。爰就旧规。逐一研究。以求适合时宜。并续议章程六条。依附其后。极知僭踰。第时异势殊。不得不尔也。爰开会通过。因为之揭。稽录如左。

学敏附识

一旧规本祠建自雍正十二年。历今二百有金载。而栋宇坍塌。力之兴修。所遗产业。亦未足以供祭祀。兹因雷雨交作。（清光绪六年）坏及中堂。以祖宗垂灵旧所。而任其荒圯。若是为子孙者。责无可辞矣。爰邀各房绅耆。僉议劝募牌金。凡乡中有前未入牌者。捐银一十二两。前已入牌者。捐银壹拾两。其旧牌捐银一两。计所捐

新旧牌金有式千余串。諏吉征工仍旧修葺。于光绪辛巳（七年）首夏经始。至冬落成。除修理用费外。尚余白金若干。置以充祭费。並旧遗祭租。俱付值年办祭者开销。今议此条邇创始。迄中兴。自昭信史。惟旧存与再置祭费。增置历次产业。今尽数拨归当祭者办祭完粮之需。

二旧规祠经修理。栋梁既整。丹雘聿新。以后不准堆积柴草。及养六畜等项。违者从重议罚。今议本祠既赁县一学校。已免此禁。旧议系为褻瀆及卫生起见。俟后送还时。仍须遵照旧章。並着看祠者随时打扫洁净。不准堆积垃圾。养畜污秽。亦不得寓赌匪。或私佃私借同异姓各色人等长住。如违将看祠者更换外。並议重罚。

三旧规祭期仍照旧章。逐年定十一月十六日午刻。毋得怠慢。挨延改日。当祭者须先期打扫祠宇烟尘。並剪除内外埕草芥。以昭洁净。今议祭期仍旧。惟现佃学校

可免修洁。后归还时。悉照旧规。

四旧规仍旧分作六房。顏曰礼。乐。射。御。书。数。挨轮办祭。毋得错乱。今议此条仍旧。
五旧规祭品须要丰洁。祭毕交顶轮当祭者执秤。照簿称足。当场宰割分桌。付有衣
顶者合俵。倘有未熟。或佞败。罚戏一台。即于是夜演唱。今议归菜馆包办每桌
定额大银伍元较为便当。其执秤当就顶轮中妥择。较为无弊。照簿斤两内用公
秤秤足定额。分为八桌。並监督厨丁宰割。当祭者不得过问。若有未熟佞败。或轻
减斤两。或折少银数。照旧认罚。将戏折银四元归公。

六旧规有衣顶者。须备衣冠诣拜。方准饮福领胙。不得到祠互借。以昭诚敬。拜毕即
向当祭者报名领单。以便依福。今议民国服制已易。不能仍用满清衣冠诣拜。
应照新服式办理。如无礼帖。礼衣。得用长襦当挂。不准短衣褻服。亦不得到祠互
借。礼毕到报名处报名领籤。以便对胙。若依福另籤颁给。每十枝向领俵席一桌。

七旧规军功老人。不得饮福领胙。今议老人年龄。辨别莫准。当照旧例。军人不得
饮福领胙。军功有受秩者。应照后开武途例。饮福领胙。

八旧规祠堂主祭。文东武西。均以正途功名为准。论爵不论齿。如遇两爵並尊。乃以
齿为尚。文武陪祭三人。亦照此例。如有新登科甲者。毋论年齿。亦准陪祭一次。其
西阶武陪祭一人。祇以科甲为准。今议值此新旧过渡时代。满清功名。仅成硕
果。(祇余四名)以后当作广陵散矣。主祭就旧界中公推一人。陪祭就旧界新界
中各推一人。其西阶武陪祭一人。满清功名。今已绝响。兹就海陆空军官。並武备
学校程度较高者两人充之。各就祭日有到祠者为准。

九旧规执事。均请文库有公服到拜者。各开胙肉一斤。如无公服到拜者。不预。光绪
庚子。又议文武库有公服与祭者。均准为执事。今议公服换礼服礼帽。或长襦
马挂亦可。执事祇用六人。随首事就房内先祭。不足时请及他房。

十旧规主祭陪祭。不论远近。夫价归办祭者全开。如无肩輿到祠。夫价免备。今议近时交通便利。车路已达本祠。往来车费。仍旧全开。如无坐车照备。

十一旧规以簿注明报功通理等共二十三名。各开胙肉一斤。对升等共十六名。各开大饼一枚。悉照旧章。以报前功。不忘所自始也。今议照旧报功。惟胙肉每斤折大洋一角。大饼照开。

十二旧规凡有牌位者。各设一籤注明名号。分给收藏。至期凭籤领胙。以便稽核。倘有无耻之徒。假籤冒混。或重领。察出议罚。今议此条仍旧。惟前系领胙。今折钱。以免流弊。争舌六房。无论有无首事。折胙钱文。按牌照开。不得私将首事房折胙。藉词失额等情。惟领胙时须凭籤支对。不准付託代认。面辞不雅。倘原籤失落。祭日须向董事报明。免受负责。如董事查实是后裔。再造胙籤付领可也。现有余款。已一律改造新籤。

十三旧规每牌开胙一斤。大钱四十文。以示奖励。如有小钱。当面对换。俟再募牌金。公止充足。另行议加。其胙肉付顶轮当祭者二人称足。此条光绪卅三年改订。以旧章每牌开胙一斤。点心大钱四十文。不意日久弊生。不肖者轻秤称出。致祭日纷奴。殊属不成体统。且无以劝励新牌。现祭费不敷。惟赖族内绅衿。竭力募题牌金置止。以充祭费。但此时猪价过昂。不能照旧。而开胙之弊。有将秤锤变换。有将病猪混用。愈趋愈下。弊端胜言。僉议以胙折钱。每牌並点心钱共开大钱一百五十文。概用小洋。(照往大钱时价)钱尾以铜片为准。违者罚不轮流与份办祭。今议此条照改订施行。惟近来百物更贵。祭费不敷尤巨。致轮值者因之寒心。不得不暂行减少。每牌祇开大洋一角。俟筹有款。扩充产业。再行增加。

十四旧规称胙並称汉席者。执秤二人。开胙二斤。书祭文並联句者。开胙二斤。今议胙既折钱。称汉席者祇用一人执秤。开折胙大洋二角。书联句祭文者。开折胙